



ԷՅ-ԷԳ Աուդիտ ՓԲԸ AN Audit CJSC

Գտնվելու վայր: ՀՀ, Երևան, 0033, Գյուլբենկյան փող. 30/3 շենք, բիլդ 129
Address: apt. 129, 30/3 Gyulbenkyan str., 0033, Yerevan, Armenia

Հեռ./Mob. +374 10 22 90 21, 32 90 21 +374 77 22 90 21
Էլ. փոստ/ E-mail: office@anaudit.am

Անկախ աուդիտորական եզրակացություն

«ԷՅ-Ի-Ջի Սերվիս» ՍՊԸ մանակիցներին

Մենք աուդիտի ենք ենթարկել «ԷՅ-Ի-Ջի Սերվիս» ՍՊԸ-ի (այսուհետ՝ Ընկերություն) 2012թ. դեկտեմբերի 31-ին ավարտվող տարվա կից ներկայացվող համախմբված ֆինանսական հաշվետվությունները, որոնք ներառում են՝ առ 31 դեկտեմբերի 2012թ. ֆինանսական վիճակի մասին համախմբված հաշվետվությունը, այդ ամսաթվին ավարտվող տարվա համապարփակ ֆինանսական արդյունքների մասին համախմբված հաշվետվությունը, սեփական կապիտալում փոփոխությունների մասին համախմբված հաշվետվությունը, դրամական միջոցների հոսքերի մասին համախմբված հաշվետվությունը, ինչպես նաև ծանոթագրությունները, որոնք ներառում են հաշվապահական հաշվառման քաղաքականության հիմնական դրույթները և այլ բացատրական տեղեկատվություն:

Ղեկավարության պատասխանատվությունը ֆինանսական հաշվետվությունների համար

Ընկերության ղեկավարությունը պատասխանատու է սույն ֆինանսական հաշվետվությունների պատրաստման և ճշմարիտ ներկայացման համար՝ ֆինանսական հաշվետվությունների միջազգային ստանդարտներին համապատասխան: Այդ պատասխանատվությունը ներառում է այնպիսի ներքին վերահսկողության համակարգի մշակում, ներդրում և կիրառում, որը ղեկավարությունն անհրաժեշտ կհամարի էական խեղաթյուրումներից (թե սխալի, թե խարդախության արդյունքում առաջացող) զերծ ֆինանսական հաշվետվությունների պատրաստման և ճշմարիտ ներկայացման համար, ինչպես նաև տեղին հաշվապահական հաշվառման քաղաքականության ընտրություն և կիրառում, ողջամիտ հաշվապահական գնահատականների կատարում:

Աուդիտորի պատասխանատվությունը

Մեր պատասխանատվությունն է անցկացված աուդիտի հիման վրա արտահայտել կարծիք սույն աուդիտորական եզրակացությանը կից ֆինանսական հաշվետվությունների վերաբերյալ: Մենք աուդիտն անցկացրել ենք աուդիտի միջազգային ստանդարտներին համապատասխան: Այդ ստանդարտներով պահանջվում է, որ մենք հետևենք աուդիտորի վարքագծի կանոններին և աուդիտը պլանավորենք և իրականացնենք այնպես, որ ձեռք բերենք ողջամիտ հավաստիացում այն մասին, թե արդյոք ֆինանսական հաշվետվությունները զերծ են էական խեղաթյուրումներից:

Աուդիտը ներառում է այնպիսի ընթացակարգերի իրականացում, որոնք թույլ են տալիս ձեռք բերել աուդիտորական ապացույցներ ֆինանսական հաշվետվություններում ներկայացված գումարների և բացահայտումների վերաբերյալ: Կիրառված ընթացակարգերի ընտրությունը կախված է աուդիտորի դատողությունից, ինչը ներառում է նաև ֆինանսական հաշվետվություններում այնպիսի էական խեղաթյուրումների ռիսկի գնահատումը, որոնք կարող են պայմանավորված լինել թե խարդախությամբ և թե սխալներով: Այդ ռիսկերի գնահատումներն իրականացնելիս աուդիտորը հաշվի է առնում ներքին վերահսկողության համակարգը, որքանով այն տեղին է ֆինանսական հաշվետվությունների պատրաստման և ճշմարիտ ներկայացման համար, որպեսզի նախատեսի աուդիտորական այնպիսի ընթացակարգեր, որոնք տեղին են տվյալ հանգամանքներում, բայց ոչ թե Ընկերության ներքին վերահսկողության համակարգի վերաբերյալ կարծիք արտահայտելու նպատակով: Աուդիտը նաև ներառում է կիրառված հաշվապահական հաշվառման քաղաքականության տեղին լինելու և ղեկավարության կողմից կատարված հաշվապահական գնահատումների հիմնավորության գնահատում,

Մենք գտնում ենք, որ մեր ձեռք բերած աուդիտորական ապացույցները բավարար և համապատասխան հիմք են հանդիսանում մեր կարծիքի համար:

Կարծիքի ձևափոխման հիմքեր

Ընկերությունը սույն աուդիտորական եզրակացությանը կից համախմբված ֆինանսական հաշվետվություններում «Էյ-Ի-Ջի» ՍՊԸ-ում իր 50% ներդրումը հաշվառել է որպես վաճառքի համար մատչելի ներդրում և ճանաչել ինքնարժեքով՝ 7,500 հազար դրամ արժեքով: Սակայն Ընկերությունը «Էյ-Ի-Ջի» ՍՊԸ-ում իր 50% մասնակցության ուժով ունի համատեղ վերահսկողություն «Էյ-Ի-Ջի» ՍՊԸ-ի նկատմամբ, քանզի վերջինիս կանոնադրության և «Սահմանափակ պատասխանատվությամբ ընկերությունների մասին» ԼՂՀ օրենքի համաձայն՝ մասնակիցների ընդհանուր ժողովում որոշում կայացնելու համար անհրաժեշտ է 50%-ից ավելի ձայն, ուստի որևէ մասնակից չի կարող միակողմանի վերահսկել «Էյ-Ի-Ջի» ՍՊԸ-ն: Հետևաբար, «Էյ-Ի-Ջի» ՍՊԸ-ն համարվում է Ընկերության կողմից համատեղ վերահսկվող կազմակերպություն, և այդպիսի կազմակերպությունում ներդրումը՝ համաձայն Ընկերության հաշվապահական հաշվառման քաղաքականության, պետք է հաշվառվի բաժնեմասնակցության մեթոդով:

Մենք հնարավորություն չենք ունեցել ձեռք բերելու բավականաչափ ու համապատասխան ապացույցներ այն մասին, թե որքան կկազմեր ներդրման արժեքը և դրա գծով եկամուտը բաժնեմասնակցության մեթոդով հաշվառվելու դեպքում, քանի որ մեզ հասանելի չէր «Էյ-Ի-Ջի» ՍՊԸ-ի ֆինանսական տեղեկատվությունը, մասնավորապես աուդիտի ենթարկված ֆինանսական հաշվետվությունները: Ուստի, մենք անկարող ենք որոշել, թե արդյոք ճշգրտման անհրաժեշտություն կա, և ինչպիսին կլիներ դրա ազդեցությունը ներդրման արժեքի և շահույթի կամ վնասի վրա:

Ձևափոխված կարծիք

Մեր կարծիքով, բացառությամբ համախմբված ֆինանսական հաշվետվությունների վրա «Կարծիքի ձևափոխման հիմքեր» վերնագրված պարբերությունում նշված հարցի հնարավոր ազդեցության, համախմբված ֆինանսական հաշվետվությունները, բոլոր էական առումներով, ճշմարիտ են ներկայացնում «Էյ-Ի-Ջի Սերվիս» ՍՊԸ-ի առ 31 դեկտեմբերի 2012թ. ֆինանսական վիճակը և այդ ամսաթվին ավարտվող տարվա գործունեության արդյունքներն ու դրամական միջոցների հոսքերը՝ ֆինանսական հաշվետվությունների միջազգային ստանդարտներին համապատասխան:

Արթուր Հարությունյան

Տնօրեն

«Էյ-Էն Աուդիտ» ՓԲԸ

Երևան

20 մայիսի 2013թ.

Անուշ Գրիգորյան

Աուդիտոր

